



Ministry of Civil Affairs

Broj: 14-16-3-1-5/23

Sarajevo, 31. 1. 2024. godine

Na osnovu člana 70. Zakona o javnim nabavkama BiH (Službeni glasnik BiH broj 39/14), ministrica civilnih poslova Bosne i Hercegovine donosi:

ODLUKU

o izboru najpovoljnijeg ponuđača

I

Najpovoljniji ponuđač u postupku javne nabavke usluga uvoza, transporta i skladištenja lijekova, vakcina i drugih medicinskih protivmjera objavljenom na web portalu Agencije za javne nabavke BiH, broj obavještenja: 121-1-2-118-3-64/23 od 30.11.2023. godine, koji je proveden u skladu sa procedurom otvorenog postupka je Hercegovinalijek d.o.o. Mostar.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija za nabavke za 2023. godinu je konstatovala da je rok za dostavu ponuda 23.01.2024. godine do 11:00 sati, te da su do navedenog roka na protokol Ministarstva civilnih poslova Bosne i Hercegovine pristigle dvije ponude i to ponuđača Hercegovinalijek d.o.o. Mostar i Unifarm d.o.o. Lukavac. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača. Ponude ponuđača Hercegovinalijek d.o.o. Mostar i Unifarm d.o.o. Lukavac su prihvatljive, dostavljeni su svi traženi dokazi propisani tenderskom dokumentacijom, na propisan način.

Komisija je primjenom kriterija najniža cijena, nakon održane e-aukcije, utvrdila da je najpovoljnija ponuda ponuđača Hercegovinalijek d.o.o. Mostar sa ukupnom cijenom 12,80 KM bez PDV-a, odnosno 14,98 KM sa PDV-om. Obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili mu je mogla biti prouzrokovana šteta zbog nezakonitog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

MINISTRICA

dr. sc. Dubravka Bošnjak



Dostavljeno:

1. Ponuđačima - elektronski
2. Web stranica Ministarstva – na objavu
3. a/a